



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 39. S. Leo Attilæ occurrit.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

§. XXXIX.

S. Leo Attilæ occurrit.

Sæculum V.  
A. C. 452.

Interim Imperium Occidentis Attilæ armis concutiebatur. Quippe is, cum jacturas anni superioris militum supplementis reparasset, per Pannoniam iter faciens, Italiam ingressus, nemine prohibente, in plures Provincias excurrebat. Jamque omnes Urbi timebant, & Attilæ animus erat, eam oppugnare; sed aliam mentem Regi Proceres indiderunt, in memoriam revocato Alarici fato, qui, Roma expilata, haud diu supervixisset. Valentinianus Imperator, & ipse Aetius Italia excedere cogitabant; visum tamen, prius explorare, an pacis condiciones petentes respueret Barbarus. Igitur Legati ad eum dimittuntur S. Leo Papa, Avienus Consularis, & Trygetius, olim Præfectus, qui Attilæ, in Venetia, loco, quem Ambulejum dicebant, ad vadum Mincii, occurrerunt. Præter crudelitatis opinionem Attila vel solo corporis habitu terribilis conspicientibus erat; brevis homini statura, ferox ingressus, latum pectus, caput magnum, oculi exigui, rutilantes, nunquam fixi, nasus simus, tenuis barba, capilli subnigri, color fuscus, originis indicium, nempe quo hodieque Tartari sunt. Quamvis esset fortissimus, magis tamen ingenio pugnabat,

*Chro. Prosp.*

*Duchesne to.  
I. ann. 452.  
Chr. Cassiod.  
eod. an.*

*Jornand. p.  
475. c. 42.  
Id. p. 471.*

Xx 3

quam



Sæculum V.  
A.C. 452.  
quam gladio, & in subitis consilio valebat. Se subjicientibus parcebat, eosque, quibus semel fidem dederat, clementer habebat. Deliberanti an iter Romam ingrederetur, ne faceret Romanorum Legati persuaserunt; S. Leonis aspectu admodum delectatus, quas ferebat, conditiones placide audivit, suos, ne ultra nocerent, cohibuit, & trans Danubium regressus passurum se, ut de pace firmanda tractaretur, pollicitus est.

*Novel. Valent. tit. 12.* Inter hæc Valentinianus Imperator Romæ versabatur, ubi decimo septimo Kalendas Maji, Herculano Consulatum gerente, id est, 15. Aprilis, hujus anni, 452. Legem edidit, qua Jurisdictio Ecclesiastica, & Clericorum Privilegia restringuntur. In ea dicitur, sæpe contra Episcoporum judicia querelas moveri, quibus ut afferatur remedium, declarat, Episcopo non aliter judicandi, etiam Clericos, potestatem esse, quam ipsis consentientibus, & in Arbitrum compromittentibus, quod constet, Episcopis, & Presbyteris, nullum a Legibus tribunal concessum, sed solum, secundum Edicta Arcadii, & Honorii, Codici Theodosiano inserta, de causis Religionis posse cognoscere. Clerici coram Judicibus tam in Civilibus, quam in Criminalibus respondere teneantur; solis Episcopis, & Presbyteris Privilegium sit, ut se, si causa criminali-



minaliter moveatur, opera Procuratoris defendere valeant. Neminis mancipium, aut Servus, cujusque generis sit, Statum Ecclesiasticum, vel Monasticum Institutum amplecti possit, ut conditionis suæ oneribus se liberet. Clerici nullum Mercaturæ genus tractabunt, si suis Privilegiis gaudere velint, sed unice functionibus Ecclesiasticis vacabunt.

Sæculum V.  
A. C. 452.

§. XL.

*Aetius promovetur, ut amoveatur.*

Julianus Coanus, Papæ Constantino-  
poli Mandatarius, datis litteris, testatur, se Sanctissimi Patris ærumnas dolere, ut suas, atque Italiæ inter Barbarorum arma gementis commiseratione tangi. Simul significat novissima Anatolii molimina, qui Aetium ab officio suo depositum, virum semper Catholicum, & Nestorianis æque ac Eutychianis infensum, in Ecclesia cujusdam Cœmeterii Presbyterum ordinasset, ut alium Archidiaconum, cui Nomen Andreas, Eutychis amicum, & Flaviani accusatorem, constitueret. Hac super re S. Leo ad Marcianum; & Pulcheriam epistolam dedit. Queritur, Anatolium sub Honoris specie Aetium gradu suo dejecisse; quippe, cum nec in hujus viri fide, nec in vita quidquam posset reprehendere, ipsum exuisse Archidiaconi munere, quod plurimum

Leo ep. 86.  
al. 56.

Ep. 84. 85.  
al. 57. 58.